



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11/03/02-47661-36/22
Sarajevo, 13. 01. 2022. godine

SKUPŠTINA KANTONA SARAJEVO
n/r Elvedin Okerić, predsjedavajući Skupštine Kantona Sarajevo
-Ovdje-

Predmet: Odgovor na zastupničko pitanje, *dostavlja se*

Poštovani,

Zastupnica u Skupštini Kantona Sarajevo **Vildana Bešlija**, dana 27. 12. 2021. godine, uputila je zastupničku inicijativu na nastavku 46. Radne sjednice Skupštine Kantona Sarajevo, održanoj 27. 12. 2021. godine, u okviru tačke Dnevnog reda Poslanička/zastupnička pitanja, inicijative i odgovori: „Prema dobijenim informacijama Ministarstvo za odgoj i obrazovanje je smanjilo broj asistenata za rad sa djecom s poteškoćama u razvoju u JU OŠ „Osman Nakaš“, što predstavlja dodatnu poteškoću u realizaciji nastave za ovu ranjivu kategoriju našeg društva. Stoga, podnosim inicijativu da se odmah iznađe rješenje za upošljavanje dodatnog borja asistenata u ovoj osnovnoj školi, pri čemu bi trebalo uzeti u razmatranje i mogućnost njihovog zapošljavanja preko projekta JU Služba za zapošljavanje Kantona Sarajevo. Skrećem pažnju Ministarstvu za odgoj i obrazovanje da uprkos povećanju ukupnog broja asistenata u gore pomenutoj školi, kao i u mnogim drugima je došlo do neopravdanog smanjenja broja asistenata te molim da se hitno poduzmu potrebni koraci na otklanjanju ovih problema“.

Odgovor:

Ministarstvo za odgoj i obrazovanje je u junu 2021. godine od svih osnovnih i srednjih škola tražilo informaciju o broju učenika sa teškoćama koji će nastavu u školskoj 2021/2022. godini realizirati prema Individualno-prilagođenom programu (IPP). U skladu sa brojem djece s teškoćama koja pohađaju određene škole kao i finansijskim okvirom odredili smo broj asistenata koje škole mogu angažovati u prvom polugodištu školske 2021/2022. godine, broj akta: 11-03/02-34-26158-2/21 od 24. 08. 2021. godine. U septembru je Ministarstvo zaprimilo određeni broj novih zahtjeva za dodatno angažovanje asistenata u školama, što smo nakon analize u opravdanim slučajevima i odobrili. S tim u vezi, ukupno je angažovano 175 asistenata u prvom polugodištu školske 2021/2022. godine. Direktor JU Osnovna škola „Osman Nakaš“ je u junu 2021. godine Ministarstvu za odgoj i obrazovanje uputio akt u kojem se navodi da će u školskoj 2021/2022. godini nastavu pohađati četiri učenika prema Individualno prilagođenom programu, te smo školi dostavili saglasnost za angažovanje jednog asistenta. Direktor škole nije se naknadno obraćao Ministarstvu za odgoj i obrazovanje sa dodatnim zahtjevom ili obrazloženjem da je neophodno osigurati dodatnu podršku učenicima s teškoćama. Nadalje, dana 20. 12. 2021. godine Ministarstvo je školama dostavilo saglasnost da se odobrava angažman istog broja asistenata u drugom polugodištu, a koji angažovani



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



za rad sa učenicima u prvom polugodištu. Želimo Vas informisati da nije tačan navod da je došlo do smanjenja broja asistenata koji su angažovani u školama, u odnosu na odobreni broj asistenata u prvom polugodištu školske 2021/2022. godine.

Nadalje, osim asistenata koji su angažovani u školama učenici s teškoćama imaju podršku 54 profesionalca (edukator-rehabilitator, logoped i psiholog) koji su angažovani za rad u Mobilnom stručnom timu za pružanje podrške inkluzivnom odgoju i obrazovanju. Također, direktor škole ima mogućnost da angažuje asistenta-pripravnika preko Programa Udruženja „Dajte nam šansu“ i na taj način osigura dodatnu podršku za učenike s teškoćama.

U skladu sa Vašom inicijativom Ministarstvo za odgoj i obrazovanje će tražiti obrazloženje za dodatni angažman asistenta u Osnovnoj školi „Osman Nakaš“ od direktora škole, a ukoliko zahtjev bude opravdan Ministarstvo će školi dostaviti saglasnost za dodatno angažovanje asistenta.

Također, informišemo Vas da je Ministarstvo za odgoj i obrazovanje pripremlilo materijal i na dalju proceduru uputilo Skupštini Kantona Informaciju o stanju inkluzivnog odgoja i obrazovanja u Kantonu Sarajevo, te očekujemo zakazivanje datuma održavanja tematske sjednice Skupštine Kantona Sarajevo o inkluzivnom odgoju i obrazovanju.

Ministarstvo za odgoj i obrazovanje je formiralo Radnu grupu koja priprema Program unaprjeđenja odgojno-obrazovnog rada sa djecom s teškoćama i Posebni Program Vlade Kantona Sarajevo (više resornih ministarstava) za unaprjeđenje inkluzije u Kantonu Sarajevo.

S poštovanjem,



Dostaviti:
1. Naslovu;
2. A/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

